



Inatsisartuni ilaasortaq
Karl Lyberth
/Maani

Pineqartoq: § 36, imm. 1 naapertorlugu apeqquteqaammut nr. 2010-30-imut akissuteqaat

Asasara Karl Lyberth,

9. februar 2010
Sagsnr. 2010-025391
Dok. Nr. 307173

Maniitsumi innaallagissiorfiliorneq pillugu marlunnik apeqquteqarnernut qujanaq.

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: aan@gh.gl
www.nanoq.gl

1. "Matumuuna apeqqutigissavara suna pissutigalugu suliffeqarfik Danmarkimi angerlarsimaffilik, nunatsinnullu attuumassuteqanngitsaq, uani suliasami pineqartumi sooq atorneqarsimansoq?"
2. "Suliffeqarfiit nunatsinni angerlarsimaffillit, nunatsinnullu akileraartartut, suliasami qulaani taaneqartumi kivitsinissaminnut sapinngilluinnartut sooq atorneqarsimangillat?"

Imm. 1 pillugu.

Maniitsumi kiassaateqarfiliornermut atatillugu JPH-Rådgivning A/S-ip toqqarneqarneranut Paamiuni suliaq ingerlasoq toqqaannartumik tunngavigineqarpoq, pissutigalugu kiassaateqarfiit marluk taakku assigiimmata. Piffissamik taamatullu aningaasaqarnikkut isumalluutunik sipaarniarluni Paamiuni pilersaarusionermi najoqqutarineqartut il.il. Maniitsumi atoqqinneqarnissaat kissaatigineqarpoq. JPH-Rådgivning siomatigut suliaqartarnermigut aammalu ukiuni arlalinni Kalaallit Nunaanni najugaqarsimasunik sulisimasunillu sulisoqarnermigut annertumik Kalaallit Nunaannut attuumassuteqarpoq. Tassalu misilittakkat ilisimasallu suliffeqarfiup JPH Energi aqutigalugu katersorsimasai Nukissiorfinnut inuiaqatigiillu sinnerinut iluaqutigineqartussaapput. Misilittagaqarnermi ilaatigut kiassaateqarfiit motorinik ingerlatillit 50-it sinnerlugit amerlassuseqartut suliarineqartarnerini tunngavigineqarput.

Imm. 2 pillugu.

Paamiuni kiassaateqarfik aallaqqaammut Maniitsumi sananeqartussatut pilersaarutigineqarsimagaluarpoq. Piffissami tassani Maniitsumi suliffeqarfiit nunaqavissut pisariaqarfiini ilaatinneqarsimapput, tassani assersuutigalugu Masanti A/S-ip sanaartornermi siunnersortitut atorneqarnissaa eqqarsaatigineqarsimavoq. Sanaartugassap Paamiunut nuunneqarnerani tassunga taarsiullugu Rambøll toqqarneqarsimavoq. Rambøll-ip suleqatigineqarnera assigiinngitsunik pissuteqarluni taamaatinneqarpoq, tamatumalu kingorna sanaartornermut tunngasut eqqarsaatigalugit JPH-Rådgivning siunnersortigineqalerpoq. Nukissiorfiit sapinngisamik kalaallit suliffeqarfiutaannik atuisarpoq, taamaattumittaarluni aamma Maniitsumi. Masanti siunnersortitut najugaqavissutut toqqarneqarpoq, tassanngaanniillu nunaminertanik atugassinneqarnissamut, nunami makittarissaaniarluni naatsorsuinermit,

nunalerinermi teknikkimut tunngasunik misissuinermit, aqquserniormermi
imaarsaanermilu suleriaatsinut, aqqusermit qeqqisa titarnissaannik
aalajangersaanermut, sanaartorfissagissaanermut il.il. atatillugu Nukissiorfiit
ikiorneqassapput.

Inussiarnersumik inuulluaqqusillunga

Jens B. Frederiksen